



30 Mac 2012
30 Mac 2012
P.U. (A) 89

WARTAKERAJAAN PERSEKUTUAN

*FEDERAL GOVERNMENT
GAZETTE*

PERATURAN-PERATURAN PELINDUNGAN PENGGUNA
(JUALAN KREDIT) 2012

*CONSUMER PROTECTION (CREDIT SALE) REGULATIONS
2012*



DISIARKAN OLEH/
PUBLISHED BY
JABATAN PEGUAM NEGARA/
ATTORNEY GENERAL'S CHAMBERS

AKTA PELINDUNGAN PENGGUNA 1999

PERATURAN-PERATURAN PELINDUNGAN PENGGUNA (JUALAN KREDIT) 2012

SUSUNAN PERATURAN-PERATURAN

BAHAGIAN I

PERMULAAN

Peraturan

1. Nama dan permulaan kuat kuasa
2. Tafsiran

BAHAGIAN II

PEMAKAIAN

3. Pemakaian dan pengecualian
4. Jualan kredit
5. Perjanjian jualan kredit
6. Hak pembeli untuk memilih bahasa perjanjian jualan kredit
7. Ketelusan maklumat
8. Butiran yang perlu dimasukkan dalam perjanjian jualan kredit
9. Kontrak perjanjian jualan kredit bagi dua atau lebih jenis barangan
10. Faedah dan caj sampingan
11. Penyelesaian awal
12. Penzahiran maklumat peribadi pembeli kepada pihak ketiga
13. Penyelesaian pertikaian alternatif sekiranya berlaku kemungkiran pembayaran

BAHAGIAN III

AM

Peraturan

14. Kewajipan menyimpan dan menyenggara rekod pembayaran
15. Kesalahan
16. Kecualian dan peralihan

AKTA PELINDUNGAN PENGGUNA 1999

PERATURAN-PERATURAN PELINDUNGAN PENGGUNA (JUALAN KREDIT) 2012

PADA menjalankan kuasa yang diberikan oleh seksyen 150 Akta Pelindungan Pengguna 1999 [*Akta 599*], Menteri membuat peraturan-peraturan yang berikut:

BAHAGIAN I

PERMULAAN

Nama dan permulaan kuat kuasa

1. (1) Peraturan-peraturan ini bolehlah dinamakan **Peraturan-Peraturan Pelindungan Pengguna (Jualan Kredit) 2012**.

(2) Peraturan-Peraturan ini mula berkuat kuasa pada 1 Oktober 2012.

Tafsiran

2. Dalam Peraturan-Peraturan ini—

“kemudahan kredit” ertinya kemudahan yang melibatkan bayaran secara ansuran yang diberikan kepada pembeli dalam transaksi jualan kredit;

“penjual” ertinya mana-mana orang yang menjual barangan secara jualan kredit kepada mana-mana pembeli;

“pemberi kemudahan kredit” ertinya mana-mana orang yang memberikan kemudahan kredit kepada pembeli dalam transaksi jualan kredit;

“rebat” ertinya potongan daripada jumlah keseluruhan harga barangan yang perlu dibayar oleh pembeli.

BAHAGIAN II
PEMAKAIAN

Pemakaian dan pengecualian

3. (1) Peraturan-peraturan ini hendaklah terpakai bagi semua jenis perniagaan yang perlu berdaftar di bawah mana-mana undang-undang yang berhubungan dengan pendaftaran perniagaan atau syarikat.

(2) Walau apa pun subperaturan (1), Peraturan-Peraturan ini tidak terpakai bagi mana-mana koperasi yang berdaftar di bawah Akta Koperasi 1993 [*Akta 502*].

Jualan kredit

4. Bagi maksud Peraturan-Peraturan ini, “jualan kredit” ertinya jualan barangan yang—

- (a) kemudahan kredit diberikan oleh seorang penjual atau pemberi kemudahan kredit kepada seorang pembeli dalam urusan penjualan barangan itu;
- (b) pembeli ialah seorang pengguna;
- (c) barang yang terlibat adalah sebagaimana yang ditafsirkan dalam Akta; dan
- (d) bayaran kredit melibatkan bayaran secara ansuran,

tetapi tidak termasuk pembelian barangan yang dibuat bayaran penuh menggunakan kad kredit;

Perjanjian jualan kredit

5. (1) Suatu perjanjian jualan kredit hendaklah dibuat dalam bentuk yang berikut: